



**JABATAN HAL EHWAL VETERAN ATM**  
**KEMENTERIAN PERTAHANAN**  
301 Medan Tuanku, Jalan Tuanku Abdul Rahman,  
50802 KUALA LUMPUR



Tel : 03-20508000

Faks : 03-26917564

## SIARAN MEDIA

Jabatan Hal Ehwal Veteran ATM (JHEV ATM) telah mengeluarkan kenyataan berikut:

### **MAJLIS PELANCARAN MY VETERAN MALL DI HOTEL ROYAL CHULAN KUALA LUMPUR**

**KUALA LUMPUR, 30 November 2021** – Timbalan Perdana Menteri, YB Dato' Sri Ikmal Hisham bin Abdul Aziz telah menyempurnakan pelancaran **MyVeteranMall** bertempat di Hotel Royale Chulan Kuala Lumpur. Platform digital komuniti khusus untuk Veteran ATM, yang diberi nama **MyVeteranMall** adalah inisiatif Jabatan Hal Ehwal Veteran ATM (JHEV ATM) dengan kerjasama MIDC Technology Sdn Bhd yang bertujuan untuk memberikan kemudahan dan peluang keusahawanan secara saluran digital kepada kira-kira 300,000 komuniti Veteran ATM bagi menambah baik status sosio-ekonomi mereka melalui berbagai aktiviti-aktiviti seperti e-Info, e-Dagang dan e-Servis.

MyVeteranMall pada asasnya adalah **PLATFORM DIGITAL KOMUNITI** yang membolehkan JHEV ATM menubuhkan satu e-komuniti untuk Veteran ATM, memudahkan pembangunan perniagaan dalam talian, menawarkan saluran untuk e-info dan membuka peluang untuk Veteran ATM melibatkan diri dalam e-Dagang dan e-Servis yang akan memberi kebaikan kepada komuniti Veteran ATM. MyVeteranMall juga tidak terhad kepada Veteran ATM tetapi boleh juga dicapai oleh

orang awam. MyVeteranMall akan dikendalikan atas platform digital yang dibangun dan diuruskan oleh MIDC Technology Sdn Bhd, anak syarikat milik penuh EDARAN Berhad, pembekal utama perkhidmatan dan penyelesaian IT negara.

MyVeteranMall pada dasarnya juga, adalah satu inisiatif digital untuk menambah baik status sosio-ekonomi Veteran ATM, membolehkan mereka terus berhubung antara satu sama lain dan dengan komuniti luar, menjadi lebih mampu diri, membina perniagaan mampu bertahan dan kekal berguna kepada masyarakat selepas persaraan. Platform digital ini juga membenarkan pelaksanaan pelbagai aktiviti dalam talian, semua di dalam lingkungan khusus MyVeteranMall. Platform digital ini telah dibangunkan untuk memberi Veteran ATM kemudahan dan kelebihan platform dalam talian bukan hanya untuk transaksi bayaran malah juga untuk merangsang rangkaian sosial, membantu penyampaian maklumat dan memudahkan aktiviti-aktiviti perusahaan.

Tidak seperti pusat beli-belah dalam talian lain, MyVeteranMall adalah Platform Komuniti. Ia lebih dari hanya platform membeli-belah. Dengan pelancaran pusat beli-belah maya ini, Veteran ATM akan mempunyai satu ruang sehenti maya untuk membuat transaksi, untuk memasar, membeli, mempromosi barangan dan perkhidmatan, memaklumkan dan dimaklumkan berkenaan info yang berkaitan dengan Veteran ATM. JHEV ATM telah memilih untuk bekerjasama dengan MIDC Teknologi, anak syarikat milik penuh EDARAN Berhad, sebagai rakan teknologi mereka. JHEV ATM dan MIDC bersama meneliti tujuan dan potensi projek seperti ini.

Untuk makluman, MIDC Technology Sdn Bhd membangunkan teknologi sokongan yang akan menampung aktiviti MyVeteranMall. MyVeteranMall akan menggunakan platform e-bayaran yang serba guna dikenali sebagai **PAYJE** untuk memudahkan transaksi. PAYJE telah dibangunkan oleh MIDC Technology sebagai aplikasi e-bayaran bersepadu yang meluas keupayaannya, untuk memudahkan pembayaran tanpa tunai. Ia juga merupakan pengumpul bil berbilang pedagang membolehkan peniaga memproses bayaran mudah alih dan e-dagang dengan mudah tanpa menyediakan akaun bank.

MIDC Technology akan menyediakan dan mengurus khidmat bayaran elektronik dan transaksi dalam talian termasuk memudahkan e-Dagang, e-Servis dan lain-lain perkhidmatan atas talian yang ditawarkan MyVeteranMall.

Tawaran dan kemudahan awal MyVeteranMall yang disediakan oleh platform ini seperti berikut :

- a. **e-Info** – Veteran ATM akan dapat mengurus semua hal peribadi berkaitan dengan JHEV melalui aplikasi e-info. MyVeteran Mall berkhidmat sebagai hub maklumat untuk anggota dan memanjangkan kemudahan kepada khidmat komuniti dan khidmat bukan untung. E-Info akan secara berkesan menjadi platform yang menawarkan e-berita, e-buletin dan kemudahan pengiklanan dalam MyVeteranMall.
- b. **e-Dagang** – Veteran ATM akan berpeluang untuk melibatkan diri dengan perniagaan dalam talian dan menjadi pedagang dalam talian dalam MyVeteranMall.

Veteran juga boleh mengambil bahagian sebagai agen penghantaran atau menjadi membeli dan pembekal kepada pedagang dalam MyVeteranMall. MyVeteranMall akan menubuhkan ekosistem perniagaannya sendiri dan menyediakan berbagai peluang perniagaan dalam ekosistem tersebut.

c. **e-Khidmat** – MyVeteranMall akan berfungsi sebagai platform dalam talian untuk membolehkan veteran menjadi pembekal perkhidmatan. Khidmat akan merangkumi berbagai spektrum industri seperti insurans, perkhidmatan pelancongan, peruntukan pakej Haji dan Umrah, perkhidmatan pekerjaan, perkhidmatan pengiklanan serta penawaran latihan dan semina

d. **Tabung Pahlawan** – MyVeteranMall akan bertindak sebagai saluran tambahan dan mudah untuk Tabung Pahlawan. Pengguna MyVeteranMall boleh membuat sumbangan mereka terus ke Tabung Pahlawan melalui MyVeteranMall. Sumbangan ke Tabung Pahlawan akan digalakkan dan dipermudahkan dan seterusnya membawa ke arah tabung yang boleh bertahan. Ini akhirnya akan membantu mengurangkan beban Kerajaan.

Kementerian Pertahanan menzahirkan jutaan terima kasih kepada pihak pengurusan EDARAN Bhd dan MIDC Technology Sdn Bhd yang sudi berkolaborasi melaksanakan inisiatif ini dalam agenda memartabatkan lagi program keusahawanan di kalangan Veteran ATM. Para Veteran ATM sangat digalakkan untuk mendaftar di aplikasi MyVeteranMall agar produk dan perkhidmatan mereka dapat dipasarkan dengan lebih meluas seterusnya dapat meningkatkan kualiti kehidupan mereka.

Untuk sebarang pertanyaan, sila hubungi Unit Komunikasi Korporat JHEV ATM,  
**Mej Ardi bin Mat Zain (013-406 8012)** atau **Puan Siti Anisah Sulaiha binti  
Muhamad Radzi (012-591 0321)**.

---

**JABATAN HAL EHWAL VETERAN ATM  
KEMENTERIAN PERTAHANAN  
KUALA LUMPUR  
30 NOVEMBER 2021**